

Date – 13/03/2026

Time - 18:30 -18:40 Hrs

AKASHVANI AIZAWL

HEADLINES (EVENING)

1. Mizote Kut pui ber leh ngaihhlut ber Chapchar Kut lawmna chu vawiin khan Mizoram ah uar taka hman a ni.
2. Art & Culture Minister Pu C. Lalsawivunga'n Chapchar kut chu kumtin March Zirtawpni hmasa ber dawttuah hman thin tura ruahman a nih thu a sawi.
3. Prime Minister Narendra Modia chaun Bodo Area Development atan cheng vaibelchhe 1500 hman a ni ang tih a puang.
4. Asia khawthlang lamah Iran, Israel leh USA te an la inkap chhunzawm.

<><><>

CHAPCHAR KUT

Chawhnu lamah khua in bumro mahse Mizote Kut pui ber leh ngaihhlut ber Chapchar Kut lawmna chu vawiin khan Mizoram ah uar taka hman a ni.

Kumin kut thupui atan zonun ze mawi - inremna tih hman a ni.
Pawnto SFX

VC

Chapchar Kut lawmna pui ber Aizawl Lammual ah hian kut ngaihlu lawm tura kal mipui pawh an thahnem hle a, chawhnu lama ruahthimpui thawk chuan Kut lawmna a ti khaihlak naa, mipui kalkhawm te boruak erawh a zangkhain an hlim hle a ni.

Kut Pa Chief Minister Pu Lalduhawma chuan Mizote zingah inremna a awm theihna turin Mizo Lal leh upaten rorelna Legal system tha deuh an nei a, mithiamte chuan khawvelah hetiang rorel dan tluka Legal system tha a awm chuang lo an ti a, a langtlang a, thubuai a awmin a thubuai neitute inremtir hram hram an tum thin a ti a, khua leh khua inkarah inremna turin saui an tan thin a, inneih dan leh roluah dan customary law fel tak an nei a, nitin nilengin hah takin hna an thawk a, zana zu inkhawmin an zaiin an lam thin a, rui deuh avanga intibuai an awm pawhin a tukah ngaihdam an in dil thin a, chutianga inremna nei thei tura pawimawh tak chu mawhphurhna lak ngam a ni a ti. Politics-ah pawh zonun ze mawi nena inmil miah lo Mizoten an chin ngai loh, Lim inhalsak te thlenga an ching chu pawh a tih thu sawiin, vawiin chapchar kut-inremna kut an hmanah hengte hi sim tha a ti a,

Political party te pawh inkhak thin mahse a tak takin an inhaw ngai lo a ti a, kohhran pawl hrang hrang, chhungkua, thenawm khaw veng, khawtlang leh Mizoram dung leh vangah inremna awm turin duhsakna a hlan a ni.

Byte: Chief Minister Pu Lalduhoma

Chapchar Kut chhim tu zingah hnamdang an thahnem hle niin kan corr chuan a sawi a, thenkhat Chapchar Kut la hre lo te pawhin an lawm hle a, kumdangah an thiante hruaia lo kal leh ngei an tum thu an sawi a ni, a ti.

(TOURIST BYTE)VC

Chapchar kut 2026 lawmna pui berah hian Cheraw kanpui YMA Branch 97 atang cheraw kanpui bu za leh pasarih neih a ni a, hei bakah hian kut pual in a wawi khatnan Chief Minister chawimawina no pui mi pa 5- Lemziak thiam Lalhmingmawii, Auto Rickhsaw khalhtu rinawm Henry Lalhmingmuana, Nungcha humhalhtu Pu V.L. Bela, Entrepreneur hlawhtling John Lalrinchhana Zahau, Naupang zaithiam Esther Hnamte te hnenah hlan a ni a, Hlado chham, Cheraw Kanpui, pawnto, Lengkhawm zai, Parlam, Pipu Zai, Lemchan, thla koh, mizawn inchuh, mal zai, pipu zai, zavai chai-Lera zai, khuallam te leh Mizo hnam thuam leh Mizo infiamna te entir a ni.

Chapchar Kut hi District dangah pawh uar taka hman a ni.

<><><>

ART & CULTURE MINISTER

Art & Culture Minister Pu C. Lalsawivunga'n Chapchar kut chu kumtin March Zirtawpni hmasa ber dawttuah hman thin tura ruahman a nih thu a sawi a, Mizote kut neih zinga chhuanawm ber Chapchar kut hmang uara ngaihllu zual zel turin mipuite a chah

Vawiin Aizawla Chapchar Kut lawmnaah Kut thlengtu, Art & Culture Minister Pu C. Lalsawivunga chuan Mizote kut ngaihsan leh ropui ber Chapchar Kut a lo thleng leh ta chu lawmawm a tih thu sawiin, Chapchar Kut lo awm chhan leh hman anih chhan ber kut hnathawktu zawng zawngte leh kut hmangtu zawng zawngte chibai bukin, kartir Thawtanni zing karah Chapchar kut tlan hmangin bul an tan a, Handloom textiles, & handicraft exhibition, food processing, & food court, flower show, living museum, painting exhibition leh chapchar kut film show in an chhunzawm a, mipui leh khualzinten an hlut hle a ni tih an hmuh chu hmasawna lawmawm tak a nih thu a sawi.

Byte: Art & Culture Minister

Larsap Gen Retd VK Singh-a chuan Mizo mipuite Chapchar Kut chibai bukin “Tlawmngaihna” hmangin mahni inphata midang te tanpui nun neih a, inunauna leh inggaihtlawmna nen khawsak ho ni se a ti a ni.

Corr: Maremi/Hruaia

<><><>

CHAPCHAR KUT FEEDS

Chapchar Kut puala Aizawl Assam Rifles hmun chhuahsan tak a tualchhung kutchhuak phochhuahna hmun siam chu mipuiin an hlut hle a, mi thahnem tak a hip a ni.

Akashvani News Aizawl-in helai hmuna kalte leh dawr hawng te a kawm kual a, Heritage Handloom neitu Pu Charlie Mathlena chuan Assam Rifles hmun chhuahsan tak chu mipuiten nuam an ti hle a ti a, Aizawl-a cheng hlun kum upa lam te pawhin Aizawl khawpui lailiah hetiang a hmun nuam hi a awm tih an hriat loh thu an sawi a ti a, helai hmun hi a nih ang anga humhalh a, Mizoram khualzin hipna tourism industry-in hma a sawn theihna turin AR hmun hluiah chuan building ringawt sa lovin, kumtluana exhibiton leh programme hrang hrang buatsaih theih na hmunah chantir theih ni se an duh tih a sawi.

Byte: Charlie Mathlena

Disul Handloom neitu Pi Lalawmpuii pawhin Chapchar Kut stallssiamna hmunhma chu tha a tih thu sawiin, mipui kal tam zawkte pawhin pi leh pute rah phak loh leilung, sipai ho awm thinna an rap pha ve chu vannei an in tih thu an sawi a, hetiang hmuna sorkarin phal taka exhibition a buatsaih chu lawmawm an tih thu a sawi a ni.

Byte: Lalawmpuii

VR Food Processing neitu Pi Vanrammawii chuan Chapchar Kut exhibition siamna hmun chu sipai ho awm thinna a nih avanga tuma la kal ngai lohna hmun a nih avangin hlut a hlawh hle a ti a, a hmunhma chu a thengthaw nuamin remchang a tih thu sawiin, mipuite tan veivah leh tlawh a nuam a, stall neitute pawh zalen takin an inpho chhuak thei a, zawngchhang tlak an tih thu an sawi a ni.

Byte: Vanrammawii

Puan tawh angin UD & PA Minister Pu K Sapdanga chuan nimin Assembly session ah Assam Rifles chhuahsan ram humhalh leh tangkai taka hman dan tur ngaihtuahtu Advisory committee din a nih thu a sawi a, chutah chuan party hrang hrang leh NGO aiawh, social actitives aiawh leh kohhran aiawhte pawh an tel a ti a. AR chhuahsan ram kut an thlak tura pawimawh ber leh mipui nghahhlelh ber chu kawngpui tih zauh nia a lan avangin karleh Thawhlelni, March ni 17 zing dar 7:30 atangin Treasury Square leh Bazar bungkawin inkar kawngpui awmsa chu inrual tlang pheii patin, feet 50 vela zauin laih tlang pheii tur a ni dawn a, chu chuan lirthei tawt lutuk a chhawk zangkhai tura a rin thu a sawi a ni.

Minister chuan AR hmun hluiah hian hmanlai hmun ngaihhlut heritage value nei Quarter Guard leh Loch house tih loh heritage value tak tak nei te lo chu thiah tura ruahman a ni a ti a. Mandir pawh suan chhuah a ni dawn tih sawiin, hemi hmunah hian vantlang mipuite tan public park siam a ni dawn a, Lammual grass phah pawh artificial grass tha ber chi in thlak tum a ni a ti.

AR cinema hall hmunah chhawng li vel a sangin car sang tel lenna parking lot siam tum a ni a, chumi chungah chuan mi sang 2 vel lenna hall bakah mi 500 vel lenna hall engemawzat sak tum a ni a, hall pui ber chu Vanapa hall hming put tir tum a nih thu sawiin, Vanapa Hall awmsa chu hmanna tangkai dang zawn a ni dawn tih

house a hrilh a, AR hmun hlui chu vantlang hmun pawimawh a nih dawn avangin venhimna tha tak a mamawh dawn avangin tlang bawh pakhat chu Police duty na hmun atan siam a ni dawn a, a hmun zau zawk luahtu tur chu hmun hring nuam tak (green area) siamin, Lammual thlang lamah ngaw nuam tak karah taksa sawizawi theihna kawng siam a nih tur thu House a hrilh a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

REVENUE MINISTER

Revenue Minister Pu B Lalchhanzova chuan Vairengte Civil SDO office chu Sub-Revenue Office turin puang a.

Nimin Assembly session ah Revenue Minister Pu B Lalchhanzova chuan Vairengte a Civil SDO office chu Sub Revenue Office ah puangin Surveyor awm tur in order chhuah fel anih thu a sawi.

Hei thu hi Serlui Constituency Bialtu MLA Pu Larinsanga Ralte chuan house ah sawiin Vairengte Civil SDO hmun chu Sub- Revenue Office a puan sak turin a ngen a Civil SDO chu assistant Commissioner ang a function thei tur leh Surveyor dah sak turin a ngen a. Revenue Minister in a ngenna te ngaipawimawh a Vairengte a Revenue Sub Office dah ani tur chu lawmawm a tih thu a sawi.

Bialtu MLA chuan Vairengte khua chu Ramri dep a awm anih angin Revenue Office dah thar ani tur hi Vairengte khua leh a chhehvel tan a t̄angkai in mipui ten an hlawkpui hle tura rin ani.

<><><>

PM IN ASSAM

Prime Minister Narendra Modia chaun Bodo Area Development atan cheng vaibelchhe 1500 hman a ni ang tih a puang. Vawiina Guwahati atanga Kokrajhar-a vantlang inkhawm te hnenah he thu hi sawiin Pu Modia chuan Bodo Territorial Council area hmasawna atan theihtawp an chhuah thu sawiin chak zawka hma a sawn theih nan cheng vaibelchhe 1500 hi hman rem tih anih thu a sawi a ni.

Pu Modia hi vawiin khan Kokrajhar tlawh tur ni mahse khua a chhiat avangin thulh a ni a. Guwahati atanga thusawiin Pu Modia chaun hun rei tak thisen chhuahna leh inthahna hmun ni thin Bodo area chu tunah chuan khawvel tharah chuangkaiin remna leh hmasawna a thleng mek a ti a. Thalai ralthuam keng sang chuangan an ralthuam tungin sawrkar kutah an inpek thu a sawi bawh a ni.

<><><>

WEST ASIA

Asia khawthlang lamah Iran, Israel leh USA te an la inkap chhonzawm a. Boruak sosang zel avang hian khawvel pumah tuialhthei man a san phah a, Iran thuneitute chuan an indona chuan hun rei zawk a aw h theih thu leh khawvel pum sum dinhmun nasa takin a nghawng phah dawn a ti a. Tehran chuan lawngliante kalkawng pawimawh Strait of Hormuz an la thunun thu sawiin US leh Israel nena inkungkaihna nei hmasawmna ruhrel te an bitum chhonzawm dawn tih an sawi a ni.

